

Landesbibliothek Oldenburg

Digitalisierung von Drucken

Bibliotheca Smithiana, Seu Catalogus Librorum D. Josephi Smithii Angli Per Cognomina Authorum Dispositus

Pasquali, Giovanni Battista

Venetiis, 1755

Bossii Chronica.

urn:nbn:de:gbv:45:1-844

ad tuas aedes ultro & alacriter properantem, tanquam ab ipso Platone, velut ferrum a lapide quodam Herculeo raptum, ut penes te, Magnanime Laurenti, unice litterarum Patrone, una cum Platone suo felicissimo vivat. Audi ergo feliciter Plotinum de omnibus philosophiæ misteriis apud te cum Platone loquentem. Sed antequam hunc auscultes, Porphyrius pius ejus discipulus tibi auscultandus erit, vitam, mores, gesta magistri & brevissime simul & verissime narrans. Cujus historiam Angelus Politianus nosster alumnus tuus, acerrimo vir judicio, tam oratoriam quam philosophicam esse censet, propterea tibi admodum placituram. Denique non solum audi feliciter, sed etiam felicissime vive. Et quantum nos amas, dilectissime Laurenti; tantum, precor, nostrum ama Valorem, Philippum, inquam, egregium virum & Platonice sapientie studiosum, & te ardentem amantem.

~~~~~

## BOSSII CHRONICA.

Mediolani per Antonium Zarotum MCCCCLXXXVII.

*Donati [1] Bossii Casusidici & civis Mediolanensis, gestorum, dictorumque memorabilium, & temporum ac conditionum, & mutationum humanarum ab orbis initio usque ad ejus tempora, Liber ad illustrissimum Principem Ioannem Galeazium Mediolanensem Ducem sextum.*

Quamvis infinitus causarum cumulus, rerumque forensium labor assiduus, in quibus me versatum non mediocriter inficior, animum a scribendis componendisque annalibus adimere videatur, fructumque otii denegare his in artibus, quæ a foro alienæ videantur; ita tamen animadvertens comoda historiæ, quæ vetustatis lux traditur, testis temporam, vita memoriæ, consilium conferre id otii, quod superest, ad scribendam universam historiam eorum, quæ a creatione Mundi usque ad tempora nostra memoratu digna gesta fuere. Et si existimem in tanta scriptorum turba, qui ante me scripserunt, opus meum fama & auctoritate defecturum; juvabit tamen me orbis initia gentiumque pene omnium facta simulac dicta memoratu digna, ac Principum, & temporum urbiumque & locorum mutationes pro posse referre, & meipsum consuluisse. Nec immensi operis res, & supra tempus annorum sex millium originem trahens ab incepto proposito deviabit, cum aliorum Scriptorum volumina iter allatura sint. Non tamen omnia pleno stylo & difusa oratione, quæ apud alios latius scripta sunt complector, sed ut quam breviter cognosci possint, ab illustribus collecta auctoribus perstringere consilium, ut negotium aliquod sumere volentibus longæ inquisitionis labor absit. Opus autem ipsum annalium, circa quod jam ultra tria lustra versatus sum, illi id totum temporis, quod a foro & negotiis familiaribus supererat impartitus, tibi Ioanni Galeazia Sfortia Vice-

[1] Maximam fane laudem iure meritoque sibi mercatus est Bossius, utpote qui in conscribenda patria historia, ceteris omnibus concivibus suis facem prætulit, ac iter ad maiora patere inf-

ferit. Hanc Epistolam eo libentius damus quod ab Saxio in toties laudata Hist. Lit. Med. prætermissam vidimus.